

میر رحیم ویلایی

میلی حکومتین سیاسی، اقتصادی و مدنی رفورمالاری نین یئرینه یئتیریلمه سینده دموکراتیک مطبوعاتین موباریزه سی

آذربایجان دموکرات فرقه سی حاکیم پارتییا اولدوغو بیرینجی گوندن اعتبارن دو غما آذربایجان دیلینده مطبوعاتین چیخماسینا آرتیق درجه ده فیکیر وئرمیش و میلی حکومتین بوتون سیاسی و اقتصادی تدبیرلری نین کوتله لر اوچون ایشیقلا ندیر یلماسیندا همین مطبوعات قارشیسیندا تاخیره سالینماز مهم وظیفه لر قویموشدور.

آذربایجاندا میلی حکومتین قورولماسی ایله آذربایجان میلی مطبوعاتین ترقی و انکشافی اوچون ده یئنی بیر دور آچیلدی.

آز بیر زماندا تبریز و آذربایجانین ویلایت مرکز لرینده آنا دیلینده یئنی قزئت و مجموعه لر نشر اولونماغا باشلادی.

تبریز شهرینده آذربایجان میلی مجلسی نین اورقانی «آزاد ملت»، آذربایجان همکارلار اتفافی نین اورقانی «غلبه»، آذربایجان دموکرات جاوانلار تشکیلاتی نین اورقانی «جاوانلار»، «یئنی شرق»، «فریاد»، اثر منی دیلینده «حاقا فاشیست» (انتیفاشیست)، اردبیل شهرینده «جودت»، اورمییه شهرینده «اورمییه»، زنجان شهرینده «آذر» قزئتلری، تبریزده «شفق»، «دموکرات»، آذربایجان شاعیرلر جمعیتی نین اورقانی «گونش»، «آذربایجان»، «مدنیت»، میانادا «وطن» و س. مجموعه لری گؤستریمک اولار.

بو دورده دو غما آنا دیلینده نشر ائدلمیش مطبوعاتیمیز آذربایجان دموکرات فرقه سی نین اورقانی اولان «آذربایجان» قزئتی استقامت وئریر و اونلارین موباریزه یوللارینی ایشیقلا ندیریردی. بو حاقدا دئییلیر: «آذربایجان» قزئتی آرتیق اوز مقدراتینا بیبهلمیش قهرمان بیر خالقین موباریز اورقانی اولموشدور. بورادا ایشتیراک ائدن استعدادلی موحریرلر مورتلرین هر نوع فتنه کارلیقلارینی واختلی واختیندا افشا ائدیرلر. قزئت ایران آذربایجانیندا هر گون بؤیوک اجتماعی تدبیرلر گورن میلی حکومتین هر آدمینی خالقا ایضاح ائدیر، خالقین جوشه گلیمیش کین و غضبینی داها دا آلولاندیریر، اونون میلی شعور و اراده سینی دو غرو بیر استقامته یؤنلدریمک هر آن سرواخت و آییق اولماغا چاغیریر 1.

آذربایجان میلی حکومتی نین دموکراتیک اساسلار اوزرینده حاضیرلانمیش 20 ماده دن عبارت یئنی پروقرامی آذربایجانین گئنیش خالق کوتله لری طرفیندن بؤیوک سئوینج و رغبتله قارشیلانندی، چونکی بونلار آذربایجان خالقین سیاسی، اقتصادی، مدنی معاریف ساحه لرینده حیاتی کنچیریله جک اساس مسله لر ایدی.

میلی حکومتین پروقرامیندا گؤستریلن ماده لر ایستر میلی حکومت طرفیندن و ایسترسه ده آذربایجان میلی مجلسی طرفیندن قانونوئریجیلیک یولو ایله حیاتی کنچیریلدی کجه، بوتون دموکراتیک رفورمالار اوز عکسینی آذربایجاندا نشر ائدیلن دموکراتیک مطبوعاتین صحیفه لرینده تاپیر و خالقا آیدین صورتده ایضاح اولونوردو. میلی حکومتین یئنی پروقرامی نین دموکراتیک بیر پروقرام اولماسی حاقیندا دئییلیر: «ایران آذربایجانیندا خالقین اوزوندن نشات ائدیمک عمله گلیمیش و خالق کوتله لری نین عصرلردن بری ائتدی کله ری آرزولاری یئرینه یئتیرن دموکراتیک اصلاحات بوتون دونیادا دموکراتیانین صادیق دوستلاری طرفیندن ممنونیتله قارشیلانمیشدیر.

ایران آذربایجانین موختار حکومتی طرفیندن نشر اولونموش پروقرام نظر دقتی اوزونه خصوصیه جلب ائتمیشدیر. بو پروقرامدا نظرده توتولموش تدبیرلر میلی حیاتی بوتون ساحه لرینی ساغلاملاشدیرماغا دو غرو یؤنلدلمیشدیر» 2.

آذربایجان میلی حکومتی نین تدبیرلریندن و قرارلاریندان بری آذربایجان دیلی حاقیندا و تبریز شهرینده دارولفونونون آچیلماسی حاقیندا چیخاردیغی قرار دیر. آذربایجان میلی حکومتی آذربایجان دیلینی رسمی دولت دیلی اعلان ائدی. قراردا دئییلیر: «بو گوندن اعتبارن آذربایجاندا آذربایجان دیلی رسمی دولت دیلی حساب اولونور. دولتین قرارلاری و

رسمي اعلانلار، همچنين خالق قوشونلاري حيصه لرينه وئرلين فرمانلار و قانون لايحهلري مطلق آذربايجان ديلينده يازيلماليدير»³.

يونولا ياناشي اولاراق، ميلي حؤكومت آذربايجاندا ياشايان ميلتله اوز ايشلريني اوز آنا ديللرينده آپارماغا اختيارات وئردي. بوندان باشقا، ميلي حؤكومتين قراري ايله آذربايجاندا ياشايان خيردا ميلتلرين خصوصي ميلي مکتبلرينده تعليمين اوز آنا ديللرينده آپاريلماسينا دا ايجازه وئريلدي.

ميلي حؤكومتين ميلي اونيورسيتتني و ديل حاقينداكي بو ايكي قراري آذربايجانين دموكراتيک مطبوعاتيندا گنئيش صورتده ايشيقلاندير يليب خالق کوتلهلرينه چاتديريلدي.

«آذربايجان» قزنتي بو ايكي قراري قيمتلنديرمک «ميلي ديل — ميلي دارولفونون» آدلي مقالهده بنله يازميشدير:

«بو قرار معاصير دونيانين دموكراتيک اولكلهري نين قانونا اويغون و عصرين احتياجلارا موناسيب بير قراريدير. بو قرار آنا ديلينده اوخويوب يازماغي رسمي حالا گنئيرمک صورتني ايله، آذربايجاندا ياشايان بوتون خالقلار اوچون عومومي تحصيلين يولونو آچميشدير»⁴.

دوغرودان دا ميلي حؤكومتين بنله بير تدبير آذربايجان خالقي نين ميلي مدنيتي نين انكشافيندا بؤيوك رول اوينادي. دوغما آنا ديلينده مکتبلر آچيلماسي، ابتدائي و اورتا مکتبلر اوچون آذربايجان ديلينده درس كيتابلاري نين چاپ انديلمهسي دنديكلريميزه پارلاق ثبوتدور.

آذربايجان ميلي حؤكومتينين معاريف ساحه سيندهكي بو ايلک قدلري آذربايجان خالقي نين ميلي شعور و دوشونجهسي نين محصولدور.

آذربايجان خالقي نين ميلي آزادليق حرکاتي خالقي اوز اولكهسي نين، اوز مقدراتي نين حقيقي صاحبي ائتديگي کيمي، اونون دوغما ديليني و ميلي مدنيتيني ده اوزونه قايتاردی. او، بنله ليکله ده خالقين ايرملي يه دوغرو انكشاف و ترقي ائتمهسینه گنئيش يول آچدی.

آذربايجاندا اونيورسيتتین تشکيلي ده آذربايجان خالقي نين مدنيت تاريخي اوچون بؤيوك هديه اولدو.

سيد جعفر پيشهوري 1946 جي ايلين ايبون آي نين 12 ده تبريزده آذربايجان اونيورسيتتني نين آچيليشي موناسيبتني ايله سؤيلهديگي نيطقينده دنميشدير: «بيزيم بو دارولفونونو تاسيس ائتديگيميز ايله بوتون ايراندا مدني و علمي انقلاب اولماقدير. بو دارولفونون خالقيميزين احتياجيني گلهجکده تامين ائديب اونا يارديم ائدهجکدير... گلهجکده دارولفونون هر ايلکي کيمي آچيليشي مراسيمينده بو گونلري افتخارلا ياد ائدهجيب. بو دارولفونون بيزيم اوچون ان مهم حياتي و علمي موسيسه اولماقدير. بيز کندلي بالالاريني کندلردن بيغيب گنئيريب بورادا تعليم تربيه ائدهجيب...»⁵

بيز آذربايجاندا دموكراتيک حرکاتين غلبه سيندن سونرا آذربايجان خالقي نين ميلي مدنيتي نين دموكراتيک اساسلار اوزرينده آرتان حقيقي انكشافيني گوروروك. خالق کوتلهلري بؤيوك بير سؤينجه، آزاد صورتده، كنجيشدن ميراث قالميش خارابالار اوزرينده يوزلرله ابتدائي و اورتا مکتبلر، اونيورسيتت و ساير ميلي مدنيت اوجاقلاري ياراتماقلا. بنش ميليوندان آرتيق بير خالقين ميلي مدنيتيني انكشاف ائتديرمک اوغروندا چاليشيرديلار.

آذربايجان خالقي سورعتلي آديملارلا سياسي، اقتصادي و مدني معاريف ساحه سينده گنئديکجه بؤيوك موفقيتلر الده ائديردي.

تکجه بونو قنيد ائتمک كيفايتدير كي، ميلي حؤكومت تبريز اونيورسيتتني نين بيناسي اوچون 2 ميليون 500 مين تومن تخصيصات ايرميشدي.

آذربايجاندا ياراديلان يئني مدنيت اوجاقلاريندان بحث ائدن «دموكرات» مجموعهسي يازير كي، ايندي آذربايجانين شهر و كندلرينده هر گون مينلرله يئني مدني معاريف اوجاقلاري يارانماقدادير. مكنبلرده يوخسول اوشاقلار اوچون پولسوز تحصيل ايمكاني يارانميشدير.6.

استبداد اوصولي ادارهسینين حؤكم سورديوو ايللرده آذربايجان زحمتكشليرينين بالالاري مكنبلرده اوخوماقدان و تحصيل آلماقدان محروم ايديلر.

«آزاد ملت» قزنتي بو حاقدان يازير: ايرانين ايجيرمي ايلليك ارتجاعي حؤكومت دؤرونده ايران مملكتي بوتون اجتماعي و اقتصادي ساحه لرده دالا قاليب، همين ارتجاعي دؤلت اوزون ايللر بويو مملكتين انكشافيندان اوترو هنج بير فايديالي ايش گؤرمه ميشدير.

تحصيل ايراندا يالينز دؤلتلي اوشاقلاريندان اوترو ايددي. هر كيمين كي، پولو يوخ ايددي، اونون اوشاقلاري اوخوماقدان محروم ايددي. بو وضعيت آذربايجاندا دموكراتيک و ميلي حرکاتيميزا قدر داوام ائتدي»7.

ميلي حؤكومتين مهم تدبيرلريندن بيرده ده كئچميش ارتجاعي قورولوشدان خالقا ميراث قالميش ساوادي سوزليغي آز بير مودت ايجريسینده لغو ائتمك ايددي.

آذربايجان دموكرات فرقهسي و ميلي حؤكومت اولكهنين يارالارينين ساغالماق، اونون مدني اقتصادي ساحه لرینه انكشاف ائتديرمك اوچون گنئيش خالق کوتلهلرينين كيجيكن توتوموش بويوگه قدر ساوادا و علمه بييلهلمه سيني گونون ضروري و واجيب مسالهلريندن بيرده حساب ائديردي. محض بونا گوره ده آذربايجانين بوتون شهر و كندلرينده ساوادي ليغا قارشي موباريزه آپارماق شعاري آلتيندا خصوصي صينيفلر تشكيل ائيدلدي. آذربايجانين معاريف ادارهسي و فرقه كوميتهلري بو ساحه ده بويوك ايش گوردولر.

كندلرده كندلير اوز قوملري ايله مكنتب بينالاري تيكيرديلر. خالق کوتلهلرينين بو دؤقونو و ميلي حؤكومتين تدبيرلرينه اولان سونسوز محبت و علاقه سيني گؤسترن قزنت يازير: بيلديگيميز كيمي، كئچن ايلين عرضينده آذربايجان كندليري اوز خرجلري ايله 2000 مكنتب بيناسي تيكميشديلر. بو خالقميزين مدنيت، علم و صنعتده اولان علاقه سيني گؤسترير.8.

بونو گؤسترمك كيفايتدير كي، ميلي حؤكومت يئني تاسيس اولوناجاق مكنتلر، گنجه كورسلاري و اونيورسيتنتين تكميلشديريلمه سینه 10 ميليون 600 ايگيرمي مين 230 تومن بودجه ايجريسینده ايددي.

امپرياليسترلر و اونلارين آلآلتيلاري اولان ايران حاكيم دايرهلري آذربايجانا هر ساحه ده ضربه وورموش، بو خالقين يئني نسلي نين انكشافينين قارشيسيني آلاق اونو بدبختليگه، اوچوروما و محوه دوغرو سوق ائتميشلر.

ايران ارتجاعي نين آذربايجانين گنج نسليه گؤستردیگی بو دوشمنچيليك موناسيبيتي نتيجه سينده آذربايجان اوشاقلاري نين چوخ حيصه سي يئنيتم و باشسيز قالميش، بويوك فلاكت ايجريسینده ايديلر.

امپرياليزمين و ايرانين ارتجاعي اوصولي ادارهسینين بو چوروك قايدا قانونلارينين افشا ائدن و اونلاري دامغالايان «آذربايجان» قزنتي يازير كي، هر گون سايب آرتان بو ديلنچيلرين فيكريني چكن و اولكهنين حيييتيني دوشونن بير مأمور، بير حاكيم، بير حاكيميت اورقاني يوخ ايددي. دؤلت بونلارا عادي بير شئي كيمي باخيردي.9.

اوز اولكهسینين، خالقي نين سعادت و خوشبختليگي اوغروندا بويوك آديملار آتان ميلي حؤكومت يئنيتم و صاحيبسيز اوشاقلارين تربيه سي، اونلارين قايعيسينا قالماق ساحه سينده ده بير سيرا جدی تدبيرلر حياتا كئچيرتدي.

ميلي حؤكومتين قراريندا گؤستريلير كي، «آذربايجان ميلي حؤكومتی خالقين استقبالی، سعادتيني و همچنين گلهجك نسلي نين مدنيت و صحت جهتندن ترقي سيني تامين ائتمك مقصدي ايله يئنيتم صاحيبسيز اوشاقلاري كوچهلردن ييغيب تربيه ائتمك اوچون پروريش و تربيه اولري آچماليدير. حؤكومتين قرارينا گوره 3 ياشيندان 14 ياشينا قدر اولان يئنيتم،

صاحبسيز قيز و اوغلان اوشاقلاريني تربيه ائتمک اوچون بيرينجي نوبهده تبريز شهرينده ايکي قيز و ايکي اوغلان تربيهخاناسي تشکيل انديلهجک و باشقا شهرلرده ده بو جور موسيسلر ياراتماق اوچون حاضيرليق گورولهجکدير» 10.

ميلي حؤکومتين بو تدبيري ده آذربايجان خالقي طرفيندن چوخ سؤينج و حرارتله قارشيلاندي. «اوروميه» قزنتي خالقين بو سؤينجينه بئله افاده ائتميشدير: «...آذربايجان ميلي حؤکومتيميز يئتيم صاحبسيز اوشاقلارين تربيهسي حاقيندا گوزلجه تدبيرلر و خوداپسندانه فيکير و تصميملر نظره آليب. ميلي حؤکومت يئتيم اوشاقلاري و صاحبسيز قيزلاري اوز نازپروردلري و بير گولستهسي کيمي محبت آغوشوندا بسله مک فيکريندهدير. اونا گوره لازيم گوروروک کي اورميه اهالييسينه مؤژه وئرك. سئوگيلى حؤکومتيميزين بو عالي فيکري نين پارلاق شعاسي آز بير زماندا بو شهرده ده هاميني گوزلريني ايشيقلانديريب يئني بير دنيا و يئني بير سعادهت سؤق ائتديرهجک» 11.

ميلي حؤکومت آذربايجانين يئني. شهرينده، اؤ جومله ن تبريز، اورميه، اردبيل، ماراغا، زنجان، خوي و اهرده تربيه اولوري آچماق اوچون 1 ميليون 500 مين تومن تخصيصات بوراخدي.

ايشيسيزليگه قارشي موباريزه آپارماق، يئني کارخانالار و فابريکلر ياراتماق، کئچميش دورده باغلانميش کارخانالاري ايشه سالماق ميلي حؤکومتين قارشيسيندا دوران اقتصادي تدبيرلردن بير ايدي. محض ميلي حؤکومت بو مهم ايشين عهدسیندن باجاريلا گله بيلدي. «آذربايجان» قزنتي بو حاقدا يازير کي: داياتميش «پشمينه» توخجولوق کارخاناسيني ايشه سالماق و بئله ليکله ده نچه يوز نفر ايشيسيز قالميش فهلهر ي ايشله تامين ائتمک اوچون ميلي حؤکومتيميز خالق قوشونلاري نازيرليگي نين سيفاريشلريني يئرینه يئتيرمک مقصدي ايله او کارخانايا بير ميليون رييال پول بوراخميشدير 12.

ارتجاع حاکميتي دورونده اولکده حؤکم سورن ايشيسيزليک حاقيندا «آزاد ملت» قزنتي يازميشدير کي، آذربايجاندا حرکاتيميزا قدر فهلهرين، اکينچيلرين و اشاعي طبقه لرين حقي حيات شرابطي اولدوقجا آغير ايدي. ايشيسيزليک خالقين حياتيني تهديد. انديردي.

ميلي حؤکومتدن اول ايشيسيزليک بوتون اولکهنه. باشدان بوروموشدو، تکجه بونو گؤسترمک کيفايئتدير کي، آذربايجاندا 10 ميندن آرتيق ايشيسيز وار ايدي. ايرانين باشقا ويلايتلرينده ده ايشيسيزليک فهلهرين و زحمتکشلرين حياتي اوچون قورخو توره ديردي. ايران دولتي نين ايللر اوزونو حل انده بيلمه ديگي بئله بير خسته حالي، ايشيسيزليک مساله سينه يالنيز آذربايجاندا خالقين ميلي آزادليق حرکاتي نتيجه سينده ياراديلميش ميلي حؤکومت حل ائتدي.

ايندي اوچ دورده يوز فهله عايله سي نين معاشيني تامين اندن «بوستان» کارخاناسي حرکاتيميزدان اول باغلانماق عرفه سينده ايدي، «پشمينه» کارخاناسي اداره اندنلرين خيانتی نتيجه سينده حرکاتدان اول باغلانميش، نتيجه ده يوزلرله فهله ايشيسيز قالميشدي.. ايندي حؤکومتيميزين بيناگوزارليغي نتيجه سينده همين کارخانالار ايشه دوشوب، ايندي ايشه گنجه گوندوز ايشله بير 13.

ميلي صنايعي ديرچلتمک، يئني فابريک و زاوودلار آچماق و اولکهنين صنايعيه اولان احتياجلارين تامين ائتمک کيمي مهم مسله ميلي حؤکومتين دقت مرکزینده دوروردو.

تبريزده تريکوتاژ «ظفر» فابريکي نين، «آذربايجان» پاپيروس و چاي فابريکلري نين آچيلماسي ميلي حؤکومتين گوردوبو اقتصادي تدبيرلردن بير يدير.

«آذربايجان» ژورنالي بو موناسيبتله يازير: «بو مودته تيجارت ايشلري يولونا قويولموش، تعطيل انديلن صنايع موسيسلري نين چوخو ايشه سالينميش، يئني کارخانالار: ايپليک پالتار توخويان «ظفر» کارخاناسي و سايره آچيلميش، مملکتده بوللوق يارانميشدير» 14. ميلي حؤکومتين کؤمگي ايله بو صنايع موسيسلري نين ايشي جانلانديريلميشدي.

ميلي حؤکومت يئني تيکينتيلر اوچون 5 ميليون تومن پول آييرميش و تيکينتي ايشلري نين باشلانماسي مينرله فهله ني ايشله تامين انديردي 15.

میلی حکومت کوهنه یوللاری تعمیر ائتمک، آسفالت یوللار، یئنی یوللار سالماق و یئنی کورپولر قورماق ساحه سینده ده بیر سیرا موفقییتملی ایشلر گوردو. سایینقالا، مییانداب، اهر، مییانا، خالخال، آستارا. اردبیل، زنجان و تبریز یوللارینی، ماهاباد، مییانداب، آستارا، اردبیل، نیر، ساراب و بوستاناباد کورپولرینی یئنیلشدیرمک و تعمیر ائتمکله مینرله ایشیزلری ایشله تامین ائدی.

میلی حکومت طرفیندن شوسئ و دمیر یوللارینی تعمیر، تزه یوللارین چکیلمهسی، یئنی تنلقراف خطرلرینی و پوچت ادارلرینی دوزلدیلیمهسی اوچون پوچت تنلقراف نازیرلیگینه 8 میلیون 795 مین تومن تخصیصات آبیرومیشدی. همین بودجهده یئنی بینالارین تیکیلیمهسینه و دولت بینالارینی تعمیر ائدیلمهسینه 2. میلیون تومن پول نظرده توتولموشدو.

تبریزده نشر ائدیلمن «دموکرات» مجموعهسی یازیر کی، ایندی هر کس آذربایجانا باخارسا، فرقه میزین رهبرلیگی ایله یارانمیش و وجودا گلیمیش بویوک تاریخی ایشلری گوره بیلر: تزه تیکینتیلر، شوسئ یوللارینی چکیلمهسی، بویوک شهرلرده خیابانلارا آسفالت دوشنمهسی — بوتون بونلار جانلی میثاللاردیر 16.

میلی حکومت دورونده خالقین رفاهی اوچون گورولن اجتماعی اقتصادی تدبیرلری آذربایجان خالقینی حیاتیندا ایرهلییه دوغرو بویوک ادم حساب ائدن «یئنی شرق» قزنتی یازیر: «بیر ایل بوندان قاباق خارابازارا چئوریلیمیش شهرلریمیز و گوندن گونه زیبیللیک ایچینده غرق اولان خیابانلاریمیز ایندی آسفالت اولوب و اولماقدادیر. بو تاثیرلی و جدی آدیملاری خالق گوزلری ایله گورور و اوندان استفاده ائدیر» 17.

«ایزوئستییا» قزنتی آذربایجاندا حیاتا کچیریلن اجتماعی اقتصادی تدبیرلری بنله قیمتندیر میشدیر:

«دموکراتیک حرکات ایران آذربایجانیندا خصوصی یوکسلیشه نایل اولموشدور. ایران آذربایجانین اهاالیسی ایسه اوزون مودت عرضینده نه اینکی سیاسی، عینی زاماندا میلی ظولم، آغیر جزا و تعقیبلره معروض قالمیشدیر. بونا گوره ده آذربایجاندا اصلاحات اوغرونداکی حرکات ایران دولتی چرچیوهسینده میلی موختاریت اوغرونداکی مباریزیه چئوریلیمیش و آرتیق یئرلی آذربایجان اهاالیسینین اساس منافعینه اوغون بیر سیرا میلی دموکراتیک اصلاحاتلارین حیاتا کچیریلیمهسی ایله نتیجه لئمیشدیر» 18.

آذربایجان دموکرات فرقهسینین رهبرلیگی ایله آذربایجان همکارلار اتفاقی تبریز شهرینده 40 میندن آرتیق فهله و صنعتکاری اوز بایراگی آلتیندا بیرلشدیر میشدی.

آذربایجان دموکرات فرقهسی فهلهلرین حقوق و منافعینی قوروماق یولوندا بویوک ایشلر گورموشدور. آذربایجاندا غلبه چالمیش میلی آزادلیق حرکاتی نتیجه سینده فهلهلرین یاشاییش وضعیتینی کئچیمیشه مقایسه ائدیلمز درجهده یاخشیلشدی.

دئمک لازیمدیر کی، آذربایجان دموکرات فرقهسی همیشه فهله صینفینی منافعینی قوروماق یولوندا هنج بیر فداکارلیقدان چکینمه میشدیر.

آذربایجان میلی مجلسینی 1946 جی ایل ایول تاریخلی 52 مادهدن عبارت ایش قانونون اعلان ائدیلمهسی آذربایجان فهلهلرینی حیاتیندا یئنی بیر دنوش عمله کئیردی. بو قانون آذربایجان فهلهلرینه 8 ساعاتلیق ایش حقوقو، تعئیل، سیغورتا، استراحت و س. حقوقلار وئردی کی، بونون دا هله او واختا قدر ایراندا بنله میثلی گورونمه میشدی. همین قانون فهلهلرله زاوود و فابریک صاحبیلری آراسیندا مئیدانا چیخان اختلافلاری آرادان قالدیرماقدا بویوک رول اوینادی و فهلهلرین اقتصادی حقوقلارینی تامین ائدی.

آذربایجان فهلهلری میلی حاکیمیتی اله آلدیقدان سونرا ایکی آزادلیغا نایل اولدولار: «بیرینجیسی — عموم آذربایجان خالقی کیمی میلی آزادلیق، ایکنجیسی — عموم فهلهلرین منافعینی تامین ائتمک واسیطه لری ایله صینفی آزادلیقدیر کی، هر ایکیسی ده فهله صینفینی مباریزه تاریخینده قیزیل خطرله یازیلماقدیر» 19.

«غلبه» قزنتي آذربايجان فهلهلري نين سياسي و اقتصادي حوقوقلار الده ائتمه سيندن دانيش اراق يازير: «ميلي حركاتي ميزين كارگرلر يميزه و نردىگي حوقوق آزادلىغي اونلاري شرقي ان خوشبخت و سعادتلي كارگرلري ديبه تانييا بيلميشدير» 20.

ميلي حوكومت آذربايجانين اقتصادياتيني يوكسلتمك، خالقين گوزرانيني ياخشىلاشديرماق مقصدي ايله تيريز، اورميه، اردبيل، زنجان، خوي، ماراغا، اهر، مييانا، ماکو، سالماس، آذر شهر، مياندا، آستارا، خالخال، مشكين شهر، سولدوز، مرنده، ساراب و علمدار دا دولت ماغازالاري آچراق دولتین انحصاريندا اولان قند، چاي، پارچا، توتون، پاپيروس و س. ماللارين ثابيت و اوجوز قيمتله تيجار تيني تشكيل ائندي. بوندان باشقا، ميلي حوكومت بير ميليون تومن مبلغينده خزينه سندلري چاپ ائندي. بو دا فهلهلره و ايشچيلره بير تومن پولا بير قران، يعني 10% اوجوز مال آلماق اوچون ايمكان وئريردي.

ميلي حوكومتين بوتون بو و س. تدبيرلري ايران مورتجعلري نين و اونلارين آغالاري اولان آمريكان اينگيليس امپرياليستلري نين ميلي آزادلىق حركاتيني اقتصادي بلوكادا و تضيق يولو ايله بو غماق قصدلريني پوچا چيخارتدي.

ميلي حوكومت آذربايجان خالقي نين ساغلامليغيني تامين ائتمك ايشلري اوچون آذربايجانين صحيبه نازيرليگينه 5 ميليون 30 مين تومن بودجه ايبيرميشدي.

آذربايجان خالقي نين بو ناييلتيريني ايرانين استبداد اوصولندان جانا دويموش خالقلاري بويوك رغبتله قارشىلاديلار.

تئهراندا نشر اولونان «شهباز» قزنتي آذربايجان خالقي نين بونايلتيرلي حاقيندا يازير: «ايران آذربايجانيندا تام بير آساييش واردير. اهالي ميلي حوكومتين تدبيرلريندن، او جومله ن ايشسيزليگين لغو ائيلمه سي، ارزاق شئيلري قيمتي نين آشاغي دوشمه سي، ايران آذربايجاني شهر و كندلري نين آبادلاشماسيندان راضيديرلار» 21

آذربايجان اهالي سي نين بئشه دورد حيصه سيندن چوخو كند تصروفاتي ايله مشغولدر. كندلي تورپاقلاري ايسه عومومي تورپاغين آنچاق 10 فاي زيني تشكيل ائدير. بورادا كند تصروفاتي نين گنري قالماسي، تورپاق اوزرينده حاكميت، تورپاقدان استفاده شرطلري نين و وئرگيلرين آغيرليغي كندليرين آجينا جاقلي وضعيتيني گوندن گونه آغيرلاشديرير.

آذربايجاندا ايري مولكدار صاحيبلريندن دولفقاري، صمد خان، عبدوللا خان، اسگندريلر، ممقانيلر و سايرهلري گوسترمك اولار كي، بونلار ايللر بويو غصب ائتيكلري تورپاقلاري كندليره ايجار ميه وئرهر ك محصولون بئشه دورد حيصه سيني زورلا كندليرين اليندن آليرديلار.

«اورميه» قزنتي آذربايجانين مونبيت تورپاغا و بول محصولا ماليك اولماسيندان دانيش اراق يازير: بيزيم آذربايجانيميز هم مونبيت تورپاغا ماليك، ابهاوا جهتن غايت درجه ده الوئريشلي و غني اولماقلا برابر، اكينچيلىگه ايرانين باشقا يئرلريندا داها اوبغوندور! 22

آذربايجان كندليرين نين يئتيشديرديگي بول تاخيل، مئبوه و بسله ديكلري مال قارائين محصولو نه اينكي خالقين احتياجيني تامين ائدير، حئي آذربايجان، تئهران و اونون ويلايتلري اوچون ده بير آزوقه منبعيدير. بوتون بونلارا باخماي اراق ميلي آزادلىق حركاتي نين غلبه سينه قدر آذربايجاندا فئودال موناسيبتلري نين حوكم سورمه سي، مولكدارلارين و ژاندارملارين سونسوز ظولم و استثماري، كندلير اوزرينده قويولان موختليف وئرگيلرين چوخو غو اونلارين وار يوخدان چيخماسينا، بير تيكه چورك قازانماق اوچون اوز دوغما دياريني ترك ائدهرك دسته دسته ايرانين ويلايت و شهرلرينه گنديرديلر.

دموكراتيک حركاتين غلبه سينه قدر آذربايجاندا كندليرين وضعيتي بئله ايدي.

سوونت اتفاقي كومونيست پارتياسي نين زنگين انقلابي موباريزه تجروبه سيندن، بويوك لنينين دهاسيندان هميشه الهام آلميش آذربايجان دموكرات فرقه سي تورپاق مساله سي نين حلينده ده ماركسيزم لنينيزم نظرييه سيني و مدعالاريني زمان و مكان شرايطينه اويغون اولاراق يار اديجى ليقلا تطبيق ائندي. محض بونا گوره ده آذربايجان دموكرات فرقه سي، اوزونون و ميلي حوكومتين پروقراميندا قنيد ائنديگي كيمي، دولت تورپاقلارين و آذربايجان خالقي نين ميلي آزادلىق حركاتينا

قارشي چيخيب آذربايجاندا خاريجده تيليغات آپاران مولكدارلارين تورپاقلاريني عوضسيز اولاراق يوخسول كندليلر آراسيندا بۇلوشدورمك پروبلئميني قانوننوجيلىك يولو ايله، عملي صورتده حياتا كنجيردي. بو ايسه بيرينجي نؤوبده تورپاقسيز كندلييه تورپاق وئريلمهسي، خالقين رفاه حالينين ياخشىلاشديريلماسي، كندليلرين آراسيندا ايشسيزليگين آرادان قالديريلماسي اوچون فرقنن و ميلى حؤكومتين گوردويو ان قيمتلي و دگرلي تدبيرلريندن بيرى كيمي سايلير.

آذربايجان ميلى مجلسي نين رسمي اورقاني اولان «آزاد ملت» قزنتي 1946 جي ايل 20 فنورال تاريخلي نؤمرهسي نين باش مقاله سينده يازير كي، ميلى مجلسيميز، ميلى حؤكومتيميز دموكراتيک اوصوللا تشكىل تاپديقدان بري وار قوهسي ايله خالقيميزين و وطنيميزين ترقيسي اوغروندا چالشميش، كندليلرين گوزرانيني ياخشىلاشديرماق مقصدي ايله بو مسالهنى اوز پروقرامينين 12 جي ماده سينده قئيد اتندي تورپاق قانونونا اساسن بۇلونهجك كندلرين سايبى تقررين 1 500 ه چاتير و بئله ليكله بو كندلرده تقررين 200 مين عايله يا بير ميليونا قدر كندلي تورپاق صاحيبي اولموش، اوز حياتينا، امگينه و زحمتي نتيجه سينده الده اتنديگي محصولا ماليكدير. اولكهنين اساس ساحه سي اولان كند تصروفاتي نين انكشافي و دموكراتيک تدبيرلر نتيجه سينده يئنيدن قورولماسي، شوبه سيز كي، عومومي وضعيته ده بؤيوك تاثير گؤستره جكدير. اولكهنين استحصال عاميللرينده كي ديشبكلبك، اونون مدني و موترقي بير اولكهيه چئوريلمهسي اوچون لازيم اولان ضروري شرطلرينددير.

آذربايجان ميلى مجلسي نين قبول اتنديگي تدبيرلردن بيرى ده «مصادره حقنده» كي قانونور. بو قانونا گوره آذربايجاني ترك انديب تئهرانا و ساير شهرلره گندهرك، آذربايجانين آزادليغي و ميلى حؤكومتين علئيهينه تيليغات آپارانلارين آذربايجاندا اولان بوتون منقول و غنيري منقول املاكي موصاديره انديلير.

ميلى حؤكومت مولكدارلارلا كندليلر آراسيندا موناسيبي موعين قايدايا سالماق، كندليلرين استثمار اولونماسيني محدودلاشديرماق، محصول بۇلگوسونده كندليلرين پاييني چوخالتماق و س. ساحه سينده ده تدبيرلر حياتا كنجيردي. «كند تصروفاتي بهرهمي نين ماليكله اكينچي آراسيندا بۇلونهسي قانون» اولكهميزين كند تصروفاتي نين انكشاف انتمه سينه ايمكان ياراتميشدير.

كنچن دورلده ماليك ايله اكينچي آراسيندا بهره و باشقا وئرگيلر اوسته عمله گلن اختلافلار بعضي واخت بؤيوك كشمكش و قان توكملره سبب اولوردو. بو قانون بو كيمي ياراماز حركتلره سون قويور.

ميلى حؤكومت آذربايجانين كند تصروفاتيني انكشاف اتنديرمك، كندليلرين وضعيتيني ياخشىلاشديرماق، كندليلره كند تصروفاتي و اكين ماتريالي آلماق، اولارا يونگول شرطلره بورج وئرمك اوچون كند تصروفاتي نازيرليگينه 5 ميليون 5 مين تومن تخصيصات آيردي.

ميلى حؤكومتين آقرار اصلاحاتي آذربايجان خالقي طرفيندن بؤيوك سئوينج و قيزغين حرارتله قارشيلاندي. تورپاق بۇلگوسو آذربايجاندا بؤيوك ائل شنليگينه و ائل بايرامينا چئوريلدي.

آذربايجان ميلى مجلسي نين و آذربايجان ميلى حؤكومتين نين بئر بۇلگوسو حاقيندا كي قانون و تدبيرلرينين حياتا كنجيريلمهسي خبري ايران كندليلرين تورپاق اوغروندا كي موباريزه سينه يئني الهام و قودرت وئردي. هم ده اولاردا بئله بير فيكرين، بئله بير تدبيرين يقينليگينه اولان اينامي قات قات آتيردي.

آذربايجاندا آقرار اصلاحاتي امپرياليزمه و اولارين اجتماعي داياقلاري اولان ايران ارتجاعسينا، كومپرادور بورژوازياسينا ان آغير و سارسيديجي ضربه ووردو.

ميلى حؤكومتين آقرار اصلاحاتي آذربايجان فهله و كندليلرينين اتقائيني بير داها مؤحكملندي. اولاري اوز دوغما فرقهسي و دموكراتيک حؤكومت اترافيندا داها سيخ بيرلشديردي.

يئر بۇلگوسونون اهميتي مطبوعاتدا بئله قيمتلندىريلمىشىدىر: بو ايش نه تك آذربايجاندا، بلكه ايرانين بوتون وبلايتلار ينده اقتصاد و تكامل جهتن بۇيوك تبدولات وجودا كڭيرمىجىدېر. يئر بۇلگوسو و ماليكله رعيتين حدودونو تعيين ائدن قانولار ميلى حركاتيميزين اقتصادي تملي و مادي اساسي اولدو! 23.

1946 جي ايل اوكتاير آي نين 2 ده تبريز شهري نين فرقه فعاللاري ايجلاسينداكي نيطقينده آذربايجان دمكرات فرقهسي نين صدري و ميلى حوكومتين باش نازيري سيد جعفر پيشهورى دئمىشىدىر: كندلي بيزيم حركاتيميزين مؤحكىم داياغيدير. من اوميد ائديرم كي، بير واخت گلجك ايران خالقي دا آذربايجان خالقي ايله بيرليكه تورپاقلاري غصب ائدن و ايراني ترقي دن ساخالايان بۇيوك فئوداللارين كؤكونو كسيب آرادان آپاراجاقدير 24.

آذربايجان خالقي نين آزاد موحيطده يئني حيات صحنه سينده ايري آديملار لا انكشافا دوغرو ايرمليلمه سي، اولكه نين سعادت و ترقيسي اوغروندا ميلى حوكومتين حياتا كڭچيرتديكي اقتصادي تدبيرلر دمكراتيكي مطبوعات صحيفه لري نين زيبنتي اولدو. بو موترقي تدبيرلر نه اينكي آذربايجانين دمكراتيكي مطبوعاتيندا، انلهجه ده ايران و دونيانين بير سيرا دمكراتيكي قزنتلر ينده اوز عكسيني تاپدي.

تئهراندا نشر ائديلن «ظفر» قزنتي آذربايجان ميلى حوكومتين نين الده ائتميش اولدو مو و مو فقيتلري آلفيشلا ياراق قئيد ائدير كي، آذربايجاندا ميلى حركات مو و فقيت الده ائتديكن سونرا او، خالقين «انكشافي يولوندا تاثير نديجي قدملر گؤتوردو. كندليلر اوز حوقوقلارينا چاتديلار. يعني يئر صاحبي اولدولار. كوچملر آسفالت اولوندو، هابئله يئني فابريكلر تيكيلدي و باغلانميش موسيسملر يئنيدين ايشه دوشوب، معاريف موسيسملري و چوخلو مكنتلر برپا اولوندو 25.

حزب توده ايران و اونون دمكراتيكي مطبوعاتي ميلى حوكومتين حياتا كڭچيرتديكي بوتون اجتماعي اقتصادي تدبيرلري آلفيشلا ديغي كيمي، اونون آقرار اصلاحاتيني دا يو كسك درجه ده قيمتلنديردي.

«نامه رهبر» قزنتي «كڭچميشده و ايندي» آدلي مقاله سينده انقلابي حركاتدان قاباق آذربايجان كندليلر يندن موختليف عنوانلار لا آليان و نرگيلرين ميلى حوكومت طرفيندن لغو ائيديلديگيني و آذربايجان كندليلر نين تورپاق صاحبي اولدو غونو قلمه الارق يازير كي، آذربايجان ميلى حوكومتين بوتون قبول ائدلمز و نرگيلرين هاميسينا قيزيل خطله قلم چكدي و مولكدار بهر هسييني عدالتلي اساسلار اوزرينده يئنيدين قوردو. دؤلت تورپاقلاري نين كندليلر آراسيندا بولونمسي نتيجه سينده كڭچميشده اوز زحمتلري نين بهر هسيندن استفاده ائنه بيلمين كندليلرين بۇيوك حيصه سي تورپاق صاحبي اولدو. اونلار بۇيوك علاقه ايله ايشه باشلا ياراق اوز احتياجلاريني رفع ائتمك اوچون كندلي بانكيندان استفاده ائديرديلر 26.

ميلى حوكومتين حياتا كڭچيرديكي رفورمالاري حتي دونيانين بير سيرا مطبوعاتي دا تصديق ائدير. واشينقتوندا چيخان «The Middle East» ژورنالي ميلى حوكومتين بو اصلاحاتيني اعتراف ائتمك مجبور يئتيده قالاراق يازير: «عوصيانچيلارين رهبري و يئني رژيمين باش نازيري پيشهورى دقيق و تاثيرلي تشبوتله بير سيرا چوخ لازيملي اصلاحاتلار كڭچيرتدي. بونلار تورپاق اصلاحاتيندان، فهلملرين وضعيتي نين ياخشلاشديريلماسي، اجتماعي ايشلرين و معاريف ايشلري نين انكشافي تدبيرلريندن عبارت ايدي» 27.

ميلى حوكومت از مودتده موسيقي، تئاتر و اينجه صنعتين انكشاف ائتديريلمه سي ساحه سينده ده بير سيرا مو و فقيتلي ايشلر گوردو. تبريز شهرينده آذربايجان دؤلت تئاتري، اوغلان و قيزلاردان عبارت موسيقي رقص آنسامبلي — فيلاموننيا ياراديلدي. اورميه شهرينده دؤلت تئاتري ياراديلدي. شهرلر يميزده موسيقي مكنتلري، موزملر تشكيل ائيديلدي. تبريز شهرينده ستار خان، باغير خان و شئخ محمد خياباني نين هئيكللري قويولدو.

بو باره ده تئهراندا نشر ائديلن «داد» قزنتي نين موديري ابولحسن عميدي نوري اوز خاطرلرينده يازير: «هله ايندييه قدر ايرانين پايختي اولان تئهراندا نه دؤلت، نه بلديه و نه ده دؤلتلي آداملار طرفيندن ايرانين مركزينه لاييق اولان بير تئاتر سالونو تيكلمه ميشدير. حالبوكي آذربايجاندا بنش آي مودتبنده تيكينتي و قوروجولوق فعاليتي خوصوصي سورعتله ايرمليلمه مكدهدير» 28.

آذربایجان خالقی نین حاق ایشینی و آزاد سسینی بوتون دونیا یا ایماق اوچون تبریز شهرینده آذربایجان رادیو ستانسیاسی یار ایدیلدی.

شاعیر و یازچی لاریمیزین یازیب یار اتمالاری اوچون گنیش فعالیت مؤیدانی آچیلدی. اونلارین آنا دیلینده اثرلری چاپ اولونماغا باشلادی.

گنج میلی حؤکومتین اجتماعی اقتصادی تدبیرلری آذربایجان خالقینی سؤیندیردیگی کیمی، اونون "ایلدیریم سورعتی ایله یاییلان تاثیریری ایران زحمتکشلرینه چاندی و موباریزمه اونلاری روحلاندیردی.

ایرانین موختلیف شهرلرینده یاشایان آذربایجان زحمتکشلری «آذربایجان» قزنتی رنڈاکسیاسینا یازدیقلاری مکتوبلاردان بیرینده اؤز سؤینجلرینی بئله افاده اندیردیله: بیز تئهراندا یاشایان آذربایجانلیلار، «آذربایجان» قزنتینی اوخودوغوموز زامان بیزلرده بئنی روح یوکسکلیگی و بؤیوک شادلیق عمله گلیر. تره میلی حؤکومتین آز مودت عرضینده بؤیوک قدملر آتماسی بیزی حدیدن آرتیق سؤیندیریر.

اولکهمیز و آنا یوردوموز اولان آذربایجانین هر جهتدن ترقی ائتمهسی، امنیتین برپاسی، معاریف و مدنیتین اؤز آنا دیلیمیزده اولماسی، کند تصروفاتی نین انکشافی اوچون لازیمی تدبیرلرین گؤرولمهسی، تبریزده بئنی توخوجولوق و باشقا کارخانالارین تئز بیر زاماندا ایشه سالینماسی، دیلنچیلرین بیغیلیب ایشه جلب اندیلمهسی و باشقا یننیلکلیری «آذربایجان» قزنتینده اوخویارکن قلبیمیز فرحله دولور، بیزه جان وئریر 29.

آذربایجانداکی دموکراتیک حرکاتین و میلی حؤکومتین اقتصادی تدبیرلرینی نین ایران خالقی نین میلی آزادلیق حرکاتینا، یاخین شرق و اورتا شرق خالقارینا گؤستردیگی موثبت تاثیر حاقیندا پیشهوری دنمیشدیر: تاریخ فرقه میزین آذربایجان خالقی و ایران میلی اوچون گؤردویو بؤیوک ایشلری قیزیل خطله قنید ائدهجک و خالق اونو آقیشلا یا جاق، سئومجک و باشی اوجا اولاجاقدیر.

آذربایجان خالقی نین گؤتوردویو قدملر ایران خالقی اوچون تقلید سرمشقی اولموشدور. یئر بؤلگوسو، بو کیمی باشقا اصلحاتلار تئهران قزنتلری، آز ادیخالاری و سیاستچیلری نین گوندهلیک شعاری اولموشدور. دندیگیمیز کیمی، ایران خالقی بیزیم حرکاتیمیزدان الهام آلیر و بو بیر سسدیر کی، خالقی آیلتمیشدیر 30.

فرقه نین و حؤکومتین قارشیسیندا دوران ان مهم مسللهلر باره سینده دانیشارکن امپریالیستلرین و ایرانین ارتجاعی قوولمری نین آذربایجان خالقی نین میلی آزادلیغی علنیهینه هر گون و هر دقیقه بئنی بئنی فیتنه کارلیقلار، سوی قصدلر و هوجوملار تشکیل ائتدیگینی خاطرلاداراق پیشهوری دنمیشدیر کی، فدایله، دندیگیم کیمی، بؤیوک خیدمت گؤستردیله. لاکین اونلار ایله دشمنین نیظامی قوشونلاری نین قاباغینا چیخماق اولماز، دشمن یاتمامیشدیر. او، خارجی امپریالیست دؤنلرین کؤمگی ایله بیزیم آزادلیغیمیزی محو ائتمگه حاضر لاشیر. بیز بیر آن غفلت ائده بیلیمریک. اونا گوره نیظامی میلی قوشون حیصه لری دوزلتمه لی بیک. بونون اوچون فرقه گرک جدی حاضرلیق آپار سین. میلیتین بوتون ساغلام افرادینی میلی وظیفه نی یئرینه یئتیرمک اوچون سفر برلیگه آلمالی، تام معناسی ایله معاصیر بیر قوشون یارادیلما لیدیر. فرقه نین قارشیسیندا دوران ان بؤیوک مساله بوندان عبارتدیر 31.

بو گؤستریشلری الهه رهبر توتان آذربایجان میلی حؤکومتی و آذربایجان میلی مجلسی خالق قوشونلاری تشکیل ائتمک حاقیندا اؤزلری نین قانون و قرارلارینی حاضر لاییب، گونون تاخیره سالینماز مساله سی کیمی خالق کوتله لرینه چاتدیر دیلار.

آذربایجانین بوتون شهر و کندلرینده بو موناسیبتله کچیریلن میتینقلرده خالق کوتله لری اؤز آزادلیقلارینی قوروماق اوچون آذربایجان میلی مجلسی نین و میلی حؤکومتین بو چاغیریشینی دا بؤیوک روح یوکسکلیگی و سؤینجه قارشیلادیلار.

«آزاد ملت» قزنتي صولح او غروندا، خالقين امين امانليغيني مودافيعه ائتمك مقصدي ايله ياراديلميش خالق قوشونونون گننیش کوتلهلر طرفیندن رغبت و محبتله قارشیلانديغيني گؤسترهرک يازير كي، آذربايجانين بو گونکو ميلي قوشونو خالقيميزين اراديسي ايله يارانميش و آزادليغيميزي، استقلاليميزي قوروماق اوچون بويوک عامل حساب اولونور. خالق قوشونوموز ميلتيميزين سئويجي و اورک محبتي ايله قارشيلانير. بو گون ميلتيميز، اونون آزادليغيني قورويان و حاكيميتيني حيفظ ائدن قوشونا بويوک رغبت و صميميت گؤسترير³².

ايران قوشونلاري نين باش قارگاه ريسي گئنئرال ارفعنين اوزباشيناليغينا و ارتجاعي حرکتلرينه قارشي عوصيان سسلريني اوجالتميش آذربايجانلي و فارس ظايبطلريندن بير دستهسي ايران قوشونلاريندا قاچاراق آذربايجانا پناه گنيرديلر.

بو موباريز ظايبطلري آزاد آذربايجان بويوک حؤرمت و صميميتله قارشيلادي. فرقه و ميلي حؤکومت اونلارين حربي درجهلريني آتيردي، خالق قوشونلاريندا اونلارا لاييق مقاملار وئردي.

و. اي. لنين عموم خالق حرکاتيني خاراکتريزه ائدهرک اونا بئله تعريف وئرميشدير: «عموم خالق حرکاتي او حرکاتدير كي، بوتون اولکهنين اوبئکتيو احتياجلاريني افاده ائدهرک اوز آغير ضربهلريني اولکهنين انکشافينا مانع اولان اساس دوشمن قوملرينه ورور. عموم خالق حرکاتي او حرکاتدير كي، اهالي نين بويوک چوخلوغو اوز رغبتي ايله اونا يارديم ائدير»³³.

1945—1946 جي ايللرده آذربايجاندا ميلي آزادليق حرکاتيندا بوتون خالق کوتلهلري ايشتيراک ائتميش و اونون بوتون تدبيرلريني حياتا کئچيرمکده اونا يارديم ائتميشلر.

آذربايجان خالقي نين ميلي آزادليق حرکاتي ايران اوچون تام معناسي ايله داخيلي بير ايش ايدى. ايران خالقلاري بو حرکاتا بويوک اوميد بسله ييرديلر. لاکين داخيلي و خاريجي مورتجعلر اونو ايراندان ايريلماق کيمي قلمه وئرملکه، مقصدلري بير طرفدن، بو حرکاتي ايران خالقلاري نين نظریندن سالماق، لکهلمک و خالق کوتلهلرينده ميلي آزادليق موباريزه سي احوالي روحيه سيني ضعيفلتمک، ديگر طرفدن، داخيلده کوتلهلري ميلي حؤکومه قارشي تحريک ائتمکدن عبارت ايدى.

ايستر 1905—1911 جي ايللر ستار خان حرکاتي، ايستر 1917—1920 جي ايل شئيخ محمد خيياباني حرکاتي، ايستر سه ده 1945—1946 جي ايل پيشهورى نين باشچيلیغي ايله اولموش ميلي آزادليق حرکاتي دورونده آذربايجان خالقي اله سيلاح آلاق منفور استبداد اوصولي ادارهي علئيهينه، موستملکهچيلیک طولمونه قارشي آياغا قالخديغي زمان اونون دوشمنلري، امپرياليست جاسوسلاري بو خالقين موقدس حرکاتيني لکهلمک مقصدي ايله اونو ايراندان ايريلماق کيمي قيمتلنديرمگه جان ائتميشلار.

امپرياليست دايرهلرين اراديسي ايله اداره اولونان تنهرانين ارتجاعي قزنتلري آذربايجان خالقي نين ميلي آزادليق حرکاتيني لکهدار ائتمک مقصدي ايله اونا جورجور بؤهتانلار آتيرلار.

مشهور مطبوعات فريلداقچيسي يالچين باشدا اولماقلا، تورکيه نين بير سيرا فاشيستپرست مطبوعاتى دا رئيئر آگنتليگي نين آذربايجان خالقي نين ميلي آزادليق حرکاتي علئيهينه ياغديرديغي بؤهتانلاري بويوک جانفشانليقلا تکرار ائديردي.

تورکيه راديو سو آذربايجان خالقي نين اوز مقدراتينا صاحيب اولماسيني اونون ايراندان ايريلماسي کيمي قلمه وئرملگه جدی جهد ائديردي.

لاکين آذربايجاندا نشر اولونان دموکراتيک مطبوعات امپرياليستلره منسوب اولان و اونلارين گؤستریشي ايله حرکت ائدن دوشمنلرين بو بؤهتانلاريني امانسيزليقلا افشا و آلت اوست ائدهرک داشيني داش اوسته قويوردو.

«آذربايجان» قزنتي بو موناسيبتله يازميشدير كي، بيز هله دموكراتيک حرکاتيميز باشلانان گونلرده دئيمشديک كي، قوي عوئمانلي افنديلر ناحاق يئره بوغاز لاريني جبرماسينلار، بو کئچهدن اونلارا بؤرک اولاي بيلمز، آذربايجان هر نه ايسته ميس اولسا، ايراني داخيلينده قالماق شرطي ايله ايسته بير.

بيز بيگانهلرين داخيلي ايشلر يميزه دخالت انتمه سينه ايماکن وئرميه جه يک. تورکيه مورتعجلي اکر تورک خالقيني آمريکا موستملکه چيلرينين قوجاينا آتماقدا اوزلريني بگنير لرسه، بيزيم بونا سوزوموز اولاي بيلمز، لاکين بيز آذربايجان خالقيني ايراندان آييرماق فيکرينده دئييلک. قوي تورکلر آنلاسينلار و خاينانه سسلريني کسيب بيزي اوز حاليميزا بوراخسينلار 34.

ايران همکار لار اتفاقي مرکزي شوراسي نين اورقاني اولان «ظفر» قزنتي «آذربايجان و ايران فهلهلرينين حرکاتي» آدلي مقاله سينده دوئمنلرين ياغدير ديقلاري بو هتائلاري رد اندهرک گؤسترير كي، آذربايجان قهرمانلار بوردودور، او انله بير يئردير كي، ايراني بؤيوک آزادليق حرکاتي اورادان باش وئرميش و مشروطه نين باغي بو خالقين او غوللاري نين قاني ايله سوورايلميشدير. او بو دفعه يئنه ده جلا فاشيست حؤکومتينين آزادليغين آخيري نجي آثاري نجي محو انتمک ايسته ديگي بير زاماندا قيام انندي. او قيام انندي و ثبوت انندي كي، آزادليغي اله الماق اوچون آسيادا بير ميلت واردير. او موباريزه آپارير، قوربان وئيرير، موستملکه چيلرين و اونلارين نؤکرلرينين اللريني کسير و آزادليغا نايل اولور.

انچاق مورتعجلر دئييرلر: او، ايراندان آيريلماق ايسته بير: امپرياليستلرين شئيپورلاري لوندون، واشينقتون و انقارادان فرياد انديرلر كي، آذربايجان ايراندان آيريلماق ايسته بير. اما آذربايجان اونلارا ديش سينديريجي جاواب وئريب دئدي: آذربايجاندا كي آزادليق بوتون ايراندا حياتا کئچمه ليدير 35.

1958 جي ايلده امپرياليستلرين گؤسترشي ايله ايراني ارتجاعي دؤلتي طرفيندن گؤئلنميش، حزب توده ايراني مرکزي کوميته سينين عوضو، انقلابي کومونيست خوسرو روزبه تئهراندا حربي محکمه ده كي موذافيعه نيطقينده آذربايجان و کورد خالقلاري نين ميلي آزادليق حرکاتينا لکه وورانلارا بئله جاواب وئرميشدير: «1945—1946 جي ايللرده باش وئرميش آذربايجان و کوردوستان حرکاتينين اصلا آذربايجاني ايراندان آييرماق جهدي اولماميش، حتي، عکسینه، بيزيم ميلي آزادليق و استقلاليت يميزين ساخلانماسينا، قورونماسينا و مؤحکلمه سينه سبب اولموشدور» 36.

آذربايجان خالقينين 1945—1946 جي ايل ميلي آزادليق حرکاتينين هنج زامان ايراندان آيريلماق فيکري اولماميش، او، ايران داخيلينده ياشايان خالقلارين قارداشليق و انقلابي همکارليغينا آرخالانميش، ارتجاعي اوصولي اداره يه، اونون آذربايجاندا كي حؤکمرانليغينا، امپرياليزمين موستملکه چيلک سياستينه قارشي باش وئرميش موترقي بير حرکات اولموشدور. بو حرکات ايران خالقلاري نين ميلي استقلاليت و آزادليق اوغروندا، امپرياليزم، ارتجاع رژيمينه قارشي آپارديقلاري موباريزه حرکاتينين آيريلماز حصه سي اولموشدور.

دئمه لي، پيشه موري نين باشچي ليک اننديگي ميلي آزادليق حرکاتي بوتون اولکده حياتا کئچيريلمه لي اولان عموم ايران انقلابي نين بير حصه سي و موقدس بير عوصيان اولموشدور» 37.

خسرو روزبه بو باره ده اوز موذافيعه نيطقينده اوبيئکتيو اولراق گؤستر ميشدير كي، آذربايجان ميلتي نين، کورد ميلتي نين، فارس ميلتي نين و اقليته قالان ميلتلرين اوز مقدراتينين حل انتمگي، اوزو ده ايراني و احيد بايراي آلتيندا فدراتيو حؤکومت تشکيل انتمک جه ديني هنج وخت اولکهنين بوتولوگونه خلل يئتيرمک جه دي کيمي گؤسترمک اولماز. نه آذربايجان ميلتي نين، نه کورد ميلتي نين و نه ده اونلارين سياسي رهبرلرينين اولکهنين اراضي بوتولوگونه آزابيق دا اولسا خلل يئتيرمک مقصدي داشيان فيکيرلري اولماميش و بوخوردور 38.

آذربايجان خالقينين ميلي آزادليق حرکاتي فهلهلرين همراي ليگي و اونلارين انقلابي همکارليغيني مؤحکملنديرمک، گننيس خالق کوتلهلريني دموكراتيک حاکميت ياراتماق اوغروندا بيرگه موباريزه قالدير ميشدير. بو حرکاتين ياراتميش اولدوغو ميلي حؤکومت امپرياليستلرين و ايران مورتعجلي نين آذربايجاندا كي حؤکمرانليغيني آلت اوست انديب خالقا دموكراتيک حوقوقلار وئرميش، اونو ظولم و اسارتدن نجات تاپميش آزا د بير خالق کيمي دونيا تانيميشدير.

تئهرانين ساتقين مطبوعاتي نووتېي بير يالان يازراق بئله گؤسترمك ايستهيير كي، اگر تئهران آذربايجانا ياخشي باخسايدې و اورا يا عادل بير حؤكومت گؤندرسه ايدي، آذربايجاندا ميلي آزادليق حرڪاتي باش و نر مزدي.

لاكين ايشين حقيقتي بئله دئييلدي. حرڪاتيميز يالانيز آذربايجان خالقي نين ارادهسي ايله وجودا گلميشدير. آذربايجانلي قرينه لر بويو آزاد ياشاماق ايستهميشدير. آذربايجان خالقي ايستهييردي كي، اؤز مقدراتيني اؤزو حل ائتسين.

داعوا، چؤرك و ياخشي حاكم داعواسي دئييل ايدي. دنمك، حرڪاتيميز داها درين سببلردن منيدانا چيخميشدير 39.

يئري گلميشكن قئيد ائدك كي، موصطافا بارزاني نين باشچيلغي ايله عيراق كوردلري نين حاضيردا آپارديقلاري موباريزه عئيني ايله آذربايجان حرڪاتيني تكرر ايدير، زيرا، آذربايجانلار كيمي، كوردلر ده آيريلماق دئييل، موختاريت آلماق اوغروندا ووروشورلار.

ايرانين ساتقين ارتجاعي مطبوعاتي نين نووتېي يالان و افترالاري دموكراتيک مطبوعاتين صحيفه لر ينده گئتديكجه داها كسكين افشا اولونوردو. تئهرانين ارتجاعي دايرملرينه منسوب اولان همين قزئتئر آذربايجان خالقي نين اؤز مقدراتينا صاحيب اولاراق ايري آديملا لا ايرمليله ديگيني و آذربايجانين ميلي دموكراتيک حرڪاتيني نين ايرانا تاثيريني گؤرمك يئني بير حيله يه ال آتديلار. اولار خوزيستان مساله سيني اورتايا اتاراق دئييرديلر كي، اگر بيز آذربايجانا بو حاق و امتياز لاري وئرسك، خوزيستان دا ايستيهجك. ارتجاعي منبع لر بو يول ايله بيزيم حرڪاتيميزا مانعچيليك تورتكم اوچون خوزيستاندا جورجور تشبوتلر ائدير، عربلر اتحاديه سي وجودا گتيريرلر. بو يالانچي اتحاديه عرب دولت لر ينه شيكايت ائدير و خوزيستاني ايراندان آيرمق و عرب اولكله لر ينه قوشماق ايستهيير. لاكين بيزيم هئج واخت ايراندان آيريلمق شعاريميز اولماميشدير. بيز هر نه ايستهميشيك، ايران داخيلينده ايستهميشيك، بيزيم دوشمنلريميز آذربايجان حرڪاتيني آرادان قالديرمق اوچون خوزيستاني ايراندان آيرمق ايستهييرلر. دوشمنلريميزين گتيرديكلري بهانه لر و خوزيستان مساله سيني اورتايا آتمالاري سياسي ماجراچيلغي نين بير تظاهورودور 40.

و. اي. لنين هله واختي ايله بئله بورژوا مداحلاريني كسكين افشا ائدرك يازميشدير: «سيزين آزادليق و دموكراتيا حاقيندا دانيشديقلارينيز گورولتولو سؤزلردن، چئينميش عبارملردن، بير دب شكلي آلميش بوشبو غازليقدان و يا ريياكارليقدان عبارتدير. بو، برك دوزك وئريلميش بير لووحه دير. حقيقتده ايسه سيز مؤمين دونوندا شئيطناسينيز. سيزين قلوبنيز تام بير گدا قلوبنيز، سيزين علمينيز، مدنيت و معاريفينيز ايسه پئشهكار فاحيشه ليگين يالانيز بير نوعودور، چونكي سيز اؤز قلوبنيزي ساتيرسينيز...» 41.

مساله تك آذربايجان مساله سي دئييلدير. سؤز بوتون ايراندا آزادليق، دموكراتيک اصولونون ياييلماسي اوستونده دير. تئهرانين حاكم دايرملريني، ايرانين بؤيوك فنودال و تورپاق صاحيبلريني قورخوبا سالان دا بوراسيدير. اولار قانون اساسي پرده سي آلتيندا بوتون خالقين حوقوقلاريني محو ائتمگه چاليشيرلار. داوا كندلي نين آلدغي تورپاق و خالقين آلدغي اصيل حاكميت اوستونده دير.

سؤز مشروطه نين، دموكراتيک اصولونون ايراندا اجرا ائدلمه سي و بيزيم باشلاديغيميز بؤيوك اصلاحات پروقرامي نين بوتون مملكت داخيلينده حياتا كئچمه سي اوستونده دير.

ايران و آذربايجانين دموكراتيک مطبوعاتي، بير طرفدن ايرانين ارتجاعي قزئتري نين يالانلاريني افشا ائدير، ديگر طرفدن ايسه بين الخالق ارتجاعيا سارسيديجي ضربملر ائديرير و دوشمنلرين ايج اوزونو و يئريديكلري قارا سياستلريني افشا ائدير، واختلي واختيندا كوتله لره آچيب گؤستريردي.

آذربايجاندا نشر ائديلن دموكراتيک مطبوعاتين ميلي آزادليق حرڪاتيندا كي رولونو قيمتلنديرمك «آذربايجان» مجموعه سي يازير: «1324—1325 جي (1945—1946 جي) ايللرده آذربايجانين موختليف شهرلرينده نشر اولونان دموكراتيک مطبوعاتيميز داخيلي و خارجي ارتجاع ايله اوز اوزه دوروب اؤن آتش خطينده داينميش دؤيوشچونون وضعيتيني ائديرير» 42.

بو زمان آذربايجان خالقي نين ميلي آزادليق حركاتي نين مؤحكوم داياغي اولان حزب توده ايرانين موباريز مطبوعاتي آذربايجان خالقي نين حاقلي طلبلريني، حياتا كنجيرميش اولدوغو بوتون سياسي، اقتصادي و مدني تدبيرلريني آفئيشلاير و اونا طرفدار چيخيردي.

پيشهوري همين انقلابي مطبوعاتي قيمتلندير هر ك دنميشدير كي، بيزيم حركاتيميزا تهر اندا چيخان آزاديخه قزئتلر، او جومله دن: «رهبر»، «ظفر» و سايرلري عوضسيز اولاراق كؤمك انديرلر. اولار بيزيم حركاتيميزين ايكنيجي سوتونو ايديلر.

آذربايجان، كورد و ايران خالقلاري نين سوونت خالقلاري آراسيندا گنئيشلنمكده اولان اقتصادي مدني علاقه لر و دوستلوق موناسيبتلري بو خالقلارين اقتصاديات و مدنيتي نين انكشافينا ان ياخشي تاثير گؤستريردي.

ادبيات، اينجه صنعت، معاريف و مدنيتين ايرمه ليله مه سينه كؤمك ائدن سوونت اتفاقي ايله مدني رابطه ساخلايان ايران جمعيتي تبريز شؤعه سي نين نشرياتي بديعي، علمي، اجتماعي و سياسي اهميته ماليك اولان بير سيرا قيمتلي اثرلر نشر ائتميشدير. بونلاردان 1944، 1945 و 1946 جي ايللرده نشر ائدلميش «ظفر نغمه لري»، آذربايجان شاعيري «حنيران خانيمين ديواني»، «صايب تبريزي نين شرح حالي»، «ميرز علي معجوزون سنجيلميش اثرلري»، بؤيوك روسيا يازچيسي «ماكسيم قوركي نين شرح حالي» و سنجيلميش اثرلريندن عبارت اولان كيتابچا، «نغمه»، «اوستا زئنيال»، «لاي لاي»، شاعير «علي فطرتين» «ائليم آزادير»، بؤيوك روس تمثيلچيسي «اي. آ. كريلوون قيسا شرح حالي» و بير نجه منظوم داستانلار كيتابچاسيني و س. گؤستمك اولار.

ميرزه ابراهيموون 1946 جي ايله تبريزده «آذربايجان ديلي» آدلي كيتابچاسي نين نشري آذربايجان خالقي نين دوغما ديلي نين تاريخن اويره نيله مه سينده بؤيوك بير واسيطه اولموشدور.

تاريخ علملري ناميزه دي، دوستننت شرفلي نين «آذربايجان خالقي نين موغول ايستياچيلار عئنه ينه موباريزه سي» آدلي كيتابچاسي دا آذربايجان خالقي نين اشغالچيلارا قارشي تاريخي موباريزه سي نؤقطة نظر يندن دفته لاييقدير. سوونت آذربايجانين تاريخي انكشافيني اوزونده عكس ائنديرن انور محمدخانلي نين «25 باهار» آدلي كيتابچاسي سوونت اتفاقي ايله مدني رابطه ساخلايان ايران جمعيتي تبريز شؤعه سي نين فعاليتي نين نتيجه سيدير. بو كيتابچادا مؤليف سوونت حاكميتي دؤرونده سوونت آذربايجاني خالقي نين الهه ائتميش اولدوغو بوتون ناييلتلري باريز قلمه ايضاح ائتميشدير.

آذربايجان خالقي نين مشهور يازچيلاريندان فريدون ابراهيمي نين 1946 ب جي ايله «آذربايجانين قديم. تاريخيندن» آدلي اثرين نشري ده اوز نؤويه سينده بؤيوك اهميته ماليكدير. همين اثرده آذربايجان خالقي نين اوز ميلي استقلاليتي اوغروندا ياداللي ايشغالچيلارا قارشي ابارديغي قهرمانليق موباريزه سي عكس ائنديريلميشدير. يازچي آذربايجانين قديم تاريخيني ساختالاشدير انلارا ديشسينديريجي جاوابلار وئرميشدير.

بؤيوك روس خالقي نين ادبي و علمي سيمالاريني ايران خالقلاري ايله تانيش ائتمكده سوونت مدنيت ائوي نين نشرياتي بير سيرا موفقتلي ايشلر گؤرموشدور. آذربايجانين دموكراتيك مطبوعاتي نين صحيفه لر ينده سوونت مدنيت ائوي نين فعاليتي گؤستريلميشدير.

«سوونت مدنيت ائوي نشرياتينا نظر» آدلي مقاله ده دئييلير: «بؤيوك روس خالقي نين ايندييه دك گنئيش ايران خالقلاري آراسيندا مجهول قالان ادبي، علمي سيمالاري ياليز سوونت مدنيت ائوي واسيطه سي ايله خالقيميز ايچريسينه طبع و نشر ائدلميشدير» 43.

تبريزده نشر ائدلميش «وطن يولوندا» قيزيل عسكر قزئتي اولارجا شاعير و يازچي يئتيشديرميش، «شاعيرلر مجليسي» اوزونون نشر ائديگي مطبوعاتي ايله آذربايجان شاعيرلريني گنئيش خالق كوتله رينه تانيديرمقده لاييق ايشلر گؤرموشدور. «وطن يولوندا» قزئتي آذربايجان خالقي نين ادبي ديلي نين انكشافيندا و تكميللشمه سينده ده اولدوقجا

بؤيوك رول اوينايميشدير. قزنتين صحيفه لر ينده صمد وور غون، سولئيمان روستم، محمد راحيم، ميرزه ايبراهيمو، رسول رضا، عوتمان ساريوللي، ق. موسايئو، جعفر خندان، اي. نظروو، س. عابباسوو، ق. محمدلي و باشقا شاعير و يازچيلارين چاپ انديلميش اثرلري گئنيس خالق كوتلهلريني فاشيزمه قارشى مباريزيه روحلانديريردي.

آذربايجاندا دمokratik مطبوعاتين، آنا ديلينده قزنت و ژورناللارين مئيدانا گلمه سينده بو قزنتين موثبت تاثيري و بؤيوك رولو اولموشدور.

«وطن يولوندا» قزنتي يانيندا تشكيل اولونموش «شاعيرلر مجليسي» آذربايجانين اللين چوخ شاعيريني اوز اطرافيندا بيرلشديرمك اونلارين ياراديجيلغينا ياخيندان كؤمك انديردي. بو شاعيرلردن علي فيطرت، مير مهدي اعتماده، ايبراهيم ذاكير، بالاش آذروغلو، علي توده، هيلال ناصيري، كاشيف، اشيق حوسئين جاوان، مير مهدي چاووشي، م. نيكنام، حؤكومه بيللوري، مدينه گولگون، محزون، مرتضا پير، فخرالدين نوري، م. درفشي و س. گؤسترمك اولار.

بونو جسارته دئمالي بيك كي، ميلي آزدليق حركاتيميزين نتيجه سينده بير سيرا جاوان شاعيرلر يميز حقيقي ياراديجيلقلاري ايله اوزلرينه شؤهرت قازانديرميشلار. «آذروغلو، علي تود، مدينه گولگون، م. درفشي و غنيريلري يالنيز نهُضتيميزين شاعيري حساب اولونا بيلرلر» 44.

آذربايجانين ميلي آزدليق حركاتي، بوتون ساحه لرده اولدوغو كي، دمokratik ادبياتين انكشافينا دا بؤيوك تكان وئردي.

«ايندي تام غرورلا دئمك اولار كي، ايران آذربايجانيندا يئني بير ادبيات يارانير. بو ادبيات عومومن آذربايجان ادبياتي تاريخينده اوزونه مخصوص بير يئر توتاجاقدير. ميلي حؤكومتيني قوران آذربايجان خالقي اوز ميلي ادبياتي ايله ده فخر انده بيلر. چونكي بو ادبيات خالقين ميلي غوروروندان الهام آلير. آذربايجاندا ميلي حركاتين بايراقداري اولان آذربايجان دمokratik فرقه سي نين رهبرليگي آلتيندا آنا ديلينده، علمي، مدني موسيسهلر يارانديغي كي «شاعيرلر و يازچيلار جمعيتي» ده يار انميشدير» 45.

آذربايجاندا آنا ديلينده دمokratik مطبوعاتين و ادبياتين يارانماسيندا و انكشافيندا تبريز ده كي سوونت مدنيت ائوي نين، سوونت ايران مدني رايبطه جمعيتي تبريز شؤعه سي نين و اونون نشر ائتديگي «شفق»، «وطن»، «مدنيت»، «آذربايجان» ژورناللاري نين، «وطن يولوندا» قيزيل عسكر قزنتي نين و ساير هنين موثبت و تاثير ائديجي رولو اولموشدور.

«گونش» مجموعه سي سوونت مدنيت ائوي نين ايكي ايلليک فعاليتيني بنله قيمتلنديرميشدير: سوونت مدنيت ائوي آذربايجان ادبياتي تاريخي نين انكشاف و تكاملو باره سينده كچميش شاعير، يازچي، اديب و عالاملرين حيات و فعاليتيني و اونلارين ترجمه حال و شاه اثرلريني تحليل و نشر اتمكله كيفايتلنمه ييب معاصر شاعير و يازچيلارين، خالقيميزين عظمت و مدنيتيني ترنوم ائدن سنجيلميش اثرلرين نين نشرينه چاليشاراق بو ايكي ايل مودتئينده 23 جيلد كيتاب، مجموعه چاپ و نشر اتميشدير» 46.

«آذربايجان» قزنتي سوونت مدنيت ائوي نين علم، معاريف ساحه سينده ائتديگي كؤمكليلري قيمتلنديرمك آذربايجان خالقي نين مينتدارليق و تشكورونو بو جومله لرله بنله افاده اتميشدير: «مدنيت ائوي نين خالقيميزين ترقي و تكامل يولوندا ائتديگي كؤمكليلك چوخ بؤيوك دور. بيز بو مدني تشكلاتين، اونون فاضيل، دگرلي رهبر و ايشچيلرين معاريف، مدنيت و صنعت نامينه خالقيميزا ائتديكلريني اونوتماياجاغيق» 47.

سوونت دولتي نين خالقيميزا گؤسترديگي مادي و معنوي كؤمكليلگي قيمتلنديرن «غلبه» قزنتي يازير: «خالقيميزين آز بير زماندا مدنيت و معاريف ساحه سينده اله ائتديگي موفقيتلر ده بيزه دوست و قارداش اولان همساياميز سوونت اتقاي نين بؤيوك كؤمكليلكلي رولو اولموشدور» 48.

امپرياليسٽرين اويونجاغينا چئوريلميش و ايش باشينا گتيريلميش ايرانين دؤلت باشچيلاري ايران خالقاري ايله سوونت خالقاري آراسيندا آرتماقدا اولان دوستلوق پوزماغا جيد جهد انديرديلر. لاکين آذربايجان و ايران خالقاري ايران دؤلتي نين خالقا صيد سياسي علئيهينه چيخاراق، سوونت اتفاقي و سوونت خالقاري ايله اوزلرينين دوستلوق علاقه لريني مؤحکملنديرمگي طلب انديرديلر.

ايران خالقاري نين سوونت اتفاقي خالقاري ايله دوستلوق آرزولاريني افاده ائدن پيشهوري دئميشدير: «سوونت اتفاقي ايله دوستلوق غوموز ايران الاستقالي نين ضامينيدير. اونا گؤره ده ايران و سوونت اتفاقي نين دوستلوقو گرک ابدی اولسون» 49.

1945—1946 جي ايلرده آذربايجاندا نشر ائديلميش دموکراتيک مطبوعات بين الخالق انقلابي حرکات تاريخينده يئني دؤر آجان بؤيوک اوکتيابر انقلابينا، اونون رهبري اولان سوونت اتفاقي کومونيست پارتياسينا — ولاديمير ايليچ لنيه آرديجيل مقاله لر حصر ائتميشدير.

«آذربايجان» قزنتي 2 نوياير 1946 جي ايل تاريخلي نؤمره سيني بؤيوک اوکتيابر سوسياليست انقلابي نين 29 جو ايلدؤنومونه حصر ائتميشدير.

همين قزنتين نؤمره سينده دونيا پرولتارياتي نين داھي رهبري ولاديمير ايليچ لنينين شکلي وئريلميشدير. قزنتده «اوکتيابر و ايران»، «اوکتيابر انقلابي دونيا نه وئردی؟»، «بؤيوک اوکتيابر انقلابي و خالقار دوستلوق»، «اوکتيابر انقلابي نين بين الخالق ماهيتي» و ساير مقاله لر و موختليف شعرلر وئريلميشدير.

«اوکتيابر و ايران» آدلي باش مقاله ده دئييلير كي، 1917 جي ايلده بؤيوک اوکتيابر انقلابي نين غالب چيخماسي و چار استبدادي نين بيخيلماسي و دارماداغين ائديلمه سي ايله ايران خالقاري نين حياتيندا يئني بير دؤر آچيلدي. سوونت حؤکومتي، ياراندیغي گوندن بوتون مظلوم خالقارلار، او جومله دن ايران ميلتي ايله دوستلوق سياسي يئريديب اونلارين قايعيکش بير قونشوسو اولدو. سوونت حؤکومتي چار امپرياليزمي نين عکسینه اولراق ايرانلا بير دوست کيمي رفتار ائتمگه باشلادي.

«غلبه» قزنتي 1946 جي ايل 23 جو نؤمره سيني بؤيوک اوکتيابر انقلابي نين 29 جو ايلدؤنومونه حصر ائتميشدير. قزنتين باشليغيندا بو شعار وئريلميشدير:

«ظولمون چوروموش، موردار ريشه سيني دونيانين آلتيدا بير حيصه سيندن ابدی اولراق اوزوب آتان قهرمان روس خالقينا عشق اولسون!»

قزنت يازير كي، يالنيز داھي لنينين دوزگون رهبرليگي سابه سينده روس خالقي و روس پرولتارياتي حقيقي انقلابي باشلاراق چاريزم قاليقلاريني ريشه دن قيريب، آزاد خالق دؤلتيني قورا بيلدي. بئله ليکله، روس خالقي دونيادا ان قاباقچيل بير ميلت اولراق دونيا آزاخيهارلاري نين داياغيدير 50.

«آذربايجان» قزنتي اوزونون «اوکتيابر انقلابي و شرق» آدلي مقاله سينده يازميشدير: «اوکتيابر انقلابيندان سونرا شرقده گننيش آزادليق حرکاتي وجودا گلگيش و عصرلر بويو اسير ياشايان، الاستقلال و حاکيميتلري امپرياليسٽلر طرفيندن تاپدالانان مظلوم شرق خالقاري امپرياليزمين تسلطونه سون قويماغا ايقدام ائتميشلر. مظلوم خالقارين بو قورتولوش و نجات حرکاتيني مودافيعه ائدن بير قوه وارسا او دا سوونت دؤلتيدير. بونا گؤره دير كي، شرق ميلتلي سوونت حؤکومتینه و اونلارا موباريزه يولونو گؤسترن و شرقده آزادليق نورو ساچان اوکتيابر انقلابينا حدسيص صداقت و صميميت بسله بيرلر. اونا گؤره اوکتيابر انقلابي شرق خالقاري اوچون ان بؤيوک و سئوملي بير بايرامدير» 51.

و. اي. لنين بوتون زحمتکش بشريتین بؤيوک خيلاصکاري و يئر اوزونده يئني آزاد حياتين ياراديجيسي اولموشدور.

و. اي. لنينين آدي غربدن شرقه دک، جنوبدان شيمالادک يئني دونيانين رمزي اولموشدور.

آذربايجاندا نشر ائديلان دمokratik مطبوعات لنين ايدئيالاري ايله روحلانميش و خالقين خوشختليك، سعادت و غروندا بو ايدئيالاردان الهام آلميشدير.

آذربايجان خالقي نين بؤيوك لئينه و سوونت دؤلتينه اولان مينتدارليغي بئله افاده ائدلميشدير:

«لنين روسيادا يارانميش بير گونشدير. لاکين اونون شعالاري بوتون دونيانين مظلوم و زحمتکش خالقلاري نين اورکلريني خوش دوغو لار لا ايسيندير ميشدير.

لنين بشريته خئير خاهليق اوچون دوغولموش بير قودسيت ايدى. ايندي بوتون آزادليق سئون بشريت بو قودسيته سجده ائدير» 52.

«خاور نو» قزنتي و. اي. لنينين وفاتي نين 21 جي ايلدؤنومو گونو موناسيبي ايله «لنين اولموشسه ده لنينيزم ياشاير» آدلي باش مقاله سينده يازير كي، لنين، بؤيوك اوكتيابر سوسياليست انقلابي واسيطه سي ايله ثبوت ائندي كي، فلاکت، بدبختليک، ظلم، اسارت و استثماري يالنيز بير ليک و انقلاب ايله آرادان قالديرماق اولار.

لنين اولموشسه ده آنجاق لنينيزم ياشاير و غالب گلير. نه قدر كي، دونيا اؤز محوري اطرافيندا فرلانير، گونش ايشيق ساچير، دؤرد فصیل بير بيريني عوض ائدير لنينيزمين ايشيqli اولدوزو هميشه شفق ساچاچاقدير 53.

1. «كومونيست» قزنتي،، نؤمره 7204، فئورال 1946 جي ايل.
2. «پراودا» قزنتي، 27 يانوار 1946 جي ايل.
3. و 4. «آذربايجان» قزنتي، ايکينجي دؤره ه. نؤمره 96، 9 يانوار 1946 جي ايل.
5. «آذربايجان» قزنتي، ايکينجي دؤره ه. نؤمره 225، 14 اييون 1946 جي ايل.
6. «دموکرات» مجموعه سي، تبريز، نؤمره 1، سننتيابر 1946 جي ايل.
7. «آزاد ملت» قزنتي، نؤمره 65، 19 اييول 1946 جي ايل.
8. «آذربايجان» قزنتي، ايکينجي دؤره ه. نؤمره 47 (336)، 28 اوکتيابر 1946 جي ايل.
9. «آذربايجان» قزنتي، ايکينجي دؤره ه. نؤمره 104، 18 يانوار 1946 جي ايل.
10. «وطن يولوندا» گوناشيري چيخان قزل عسگر قزنتي، نؤمره (359)، 11 يانوار 1946 جي ايل.
11. «اورميه» قزنتي، نؤمره 1، 23 يانوار 1946 جي ايل.
12. «آذربايجان» قزنتي، ايکينجي دؤره ه. نؤمره 99، 13 يانوار 1946 جي ايل.
13. يئنه اورادا، نؤمره 250، 15 اييون 1946 جي ايل.
14. «آذربايجان» ژورنالي، نؤمره 9 (14)، سننتيابر 1946 جه ايل.
15. «آذربايجان» قزنتي، ايکينجي دؤره ه. نؤمره 250، 15 اييون 1946 جي ايل.
16. «دموکرات» مجموعه سي، تبريز، نؤمره 1، سننتيابر 1946 جي ايل.
17. «يئني شرق» قزنتي، تبريز، نؤمره 142، اوچونجو ايل، نؤمره 7، سننتيابر 1946 جي ايل.
18. «ايزوستيا» قزنتي، 21 مارت 1946 جي ايل.
19. «شهر يورين اون ايکيسي»، تبريز، 1946 جي ايل.
20. «غلبه» قزنتي، تبريز، نؤمره 25، 7 نويابر 1946 جي ايل.

21. «شهباز» قزنتي، تبريز، 17 يانوار 1946 جي ايل.
22. «اورميه» قزنتي، نؤمره. 20، 16 آپرئل 1946 جي ايل.
23. «شهرپورين اون ايکيسي»، تبريز، 1946 جي ايل.
24. سيد جعفر پيشه وری. «21 آذر»، 1961 جي ايل.
25. «ظفر» قزنتي، نؤمره. 282، تئهران، 17 اييون 1946 جي ايل.
26. «نامه مردم»، نؤمره. 691، تئهران، 12 آپرئل 1946 جي ايل.
27. «The Midle East» ژورنالي، نؤمره. 1، 1956، p. 18، p. 19.
28. ابولحسن عميدي نوري. «آذربايجان دموکرات»، تئهران 1946 جي ايل.
29. «آذربايجان» قزنتي، ايکينجي دؤره. نؤمره. 141، 5 مارت 1946 جي ايل.
30. يئنه اورادا، نؤمره. 2 (291)، 6 سننتيابر 1946 جي ايل.
31. سيد جعفر پيشه وری. «21 آذر»، 1961 جي ايل.
32. «آزاد ملت»، آذربايجان ميلي مجلسينين اورقاني، نؤمره. 6 (191)، 4 آپرئل 1946 جي ايل.
33. و. اي. لئنين، اثرلري، 18 جي جيلد.
34. «آذربايجان» قزنتي، ايکينجي دؤره. نؤمره. 212، 30 ماي 1946 جي ايل.
35. «ظفر» قزنتي، نؤمره. 274، تئهران، 7 اييون 1946 جي ايل.
36. «37»، و. 38. «خسرو روزبه حربي محکمهده». 1963، آذربايجان روزنامهسينين نشرياتي
39. «40»، سيد جعفر پيشه وری، «21 آذر»، 1961 جي ايل.
41. و. اي. لئنين، اثرلري، 13 جو جيلد.
42. «آذربايجان» مجموعهي، آذربايجان روزنامهسينين نشرياتي، نؤمره. 1، 1962 جي ايل.
43. «آذربايجان» قزنتي، ايکينجي دؤره. نؤمره. 275، 15 آوقوست 1946 جي ايل.
44. «شهرپورين اون ايکيسي»، تبريز، 1946 جي ايل.
45. «شاعيرلر مجلسي». تبريز، اوکتيابر، نويابر 1945 جي ايل. (شاعيرلر مجلسينين نشرياتي)
46. «گونش» مجموعهي، نؤمره. 1، تبريز، سننتيابر 1946. آذربايجان شاعير و يازيچيلار جمعيتينين نشرياتي.
47. «آذربايجان» قزنتي. نؤمره. 269، 8 آوقوست 1946 جي ايل.
48. «قلب» قزنتي. نؤمره. 27، تئبريز، 14 نويابر 1946 جي ايل.
49. سيد جعفر پيشه وری، «21 آذر»، 1961 جي ايل.
50. «قلب» قزنتي. نؤمره. 23، تئبريز، 29 اوکتيابر 1946 جي ايل.
51. «آذربايجان» قزنتي. نؤمره. 51 (340)، 2 نويابر 1946 جي ايل.
52. «وطن يولوندا» قزنتي، نؤمره. 9 (363)، 21 يانوار 1946 جي ايل.
53. «خاور نو» قزنتي، نؤمره. 33، تبريز، 22 يانوار 1945 جي ايل.